



Naleraq

INUIT ATAQATIGIIT INATSISARTUNI



UKA2021/074

Novembarip 4-at 2021

Mariia Simonsen, Inuit Ataqtigiit + Naleraq

Inatsisartut isummerfigisassaattut siunnersuut Naalakkersuisut peqquneqassasut meeqqat atuarfiannut tulluussakkamik inuit pisinnaatitaaffii pillugit atuartitsissutissanik kalaallisut ataqtigiissumik sananissamik aammalu taassuma saniatigut suliniutigineqassasoq, meeqqat atuarfianni atuartitsisut inuit pisinnaatitaaffii pillugit ilinniartitsinissamut pikkorissarneqassasut.

(Inatsisartunut ilaasortaq Nivi Olsen, Demokraatit)

Inatsisartunut ilaasortap Nivi Olsenip siunnersuutigaa inuit pisinnaatitaaffii pillugit meeqqat atuarfiannut tulluarsakkanik ilinniusiortoqassasoq ilinniartitsisullu inuit pisinnaatitaaffiinik atuartitsinissaminnut piginnaangorsarniarlugit pikkorissarneqassasut, tamakkulu naammassineqarnissaannik Naalakkersuisut peqquneqassasut.

Siunnersuuteqartoq Inuit Ataqtigiinni Naleqqamilu isumaqtigilluinnarparput meeqqat inuit pisinnaatitaaffii pillugit meerannguunerminniilli ilinniartinneqarunik tamanna inoqatiminnik isiginninnerannut sunniuteqassasoq. Ilaqtariit meerallit



Naleraq

INUIT ATAQATIGIIT INATSISARTUNI



tamarmik perorsaasarput naleqartitanik tunngaviusunik ilinniartitsillutik, ilaatigut inoqatinik isiginneriaatsimut tunngasutigut. Tamannalu atuarfimmi tapertalerneqartarmat pissusissamisuuginnarpoq.

Naalackersuisut akissutaasigut erserpoq inuit pisinnaatitaaffiisa, aammami meeqqat pisinnaatitaaffiisa atuartitsissutigineqarnissaat atuarfiup pisussaaffigaa, taamaattumillu ilinniutinik assigiinngiaartunik atortussaqaareersut. Tamakku saniatigut suliniaqatigiiffiit pisinnaatitaaffinnik paasisitsiniaassutininik suliaqartartut oqaatigineqarpoq.

Ilinniutinik kalaallisuunik meeqqat atuarfianni atugassanik nunatsinni suliaqartuuvoq Ilinniusiorfik, Ilinniartitaanermut Aqutsisoqarfimmit ingerlanneqartoq. Ilinniusiorfik sulisukitsunnguuvooq qulit inorlugit sulisoqarami, tassanilu ilinniutit ataatsimoortukkuutaat ukiumut 30-t 40-llu akornanni amerlassusillit naammassineqartarput, fagini kalaallisut ilinniutinik amigateqarfioqisuni; kalaallisut, matematikkimi, upperisarsiornermi/isumalioqqissaarnermi pinngoqqaatinillu atuartitsinermi.

Ilinniartitsisut inuit pisinnaatitaaffii pillugit atuartitsinermik pikkorissarneqarnissamik periarfissinneqarnissaannut tunngatillugu akissutikkut erserpoq kommunit tamakkuninga atorfissaqartitsiginik Ilinniartitaanermut



Naleraq

INUIT ATAQATIGIIT INATSIARTUNI



Aqutsisoqarfimmit ilinniartitsinermillu ilisimatusarfimmut saaffiginnissinnaasut,
taakku tamakkuningga suliaqartuummata.

Taama oqaseqarluta Inuit Ataqatigiit Naleqqallu Naalakkersuisut allannguutissatut
siunnersuutaat taperserparput, taamaalillutik Naalakkersuisut
peqqunneqassammata inuit pisinnaatitaaffii pillugit meeqqat atuarfianni ilinniutinik
suli annerusumik salliutitsissasut kiisalu ilinniartitsisut taakkuningga
atuartitsinissamut pikkorissarsinnaanissaat salliutissagaat.